


www.BibleForChildren.org

Génesis 3



Walo a lä cuinö, bei suwäbö Ewa a
wafa jilaquema. Öjö a suwä nija,
yanowamö täbä jödödöwä nia
balama yalo, Ewa a wafa jilaquema.



Abinaja tä cuoma. Jeobaa a lä
bufiblamou wei a lä cuinö, yalo bä bluca
tablalema, ulifi jamö bä yalo jubä. Öjö bä
bluca lä tablaleno wei bä nija, olu cäcö
shino yai moyawäo fe balojooma. Suwä
nija cäcö fa icuicunö, cäcö a falayoma.

—Ei täca jamö, defibä bluca lä ublajale täcö nii ja,

¿Yai Bada tänö


wafäcö iyaö

wasöma

daanö?


—cäcö

cuma.




Suwä a wə juoma.

—Ma. Ei täca jamö,
defibä bluca lä ublajale
täcö nii ja, yafäcö nia lä
iyaö wei täcö nii ma cui, defi lä möamole
defi ja, yafälecö shino wasöma, Yai Bada
tänö. “Öjö wafä täcö waböö dicoo mlai”, a
cuma. “Täcö çai jubabö
dijä, wafäcö nomalayou”,
a çai cuma. Einaja
yafälecö nowa shino tama
—a suwä cuma.



Öjö ma cui, abinaja
suwä a nija cäcö jole
cuma. —Ma. Wafäcö
nomaö mlaicätä. Cama
Yai Bada a bufi dao lä culenaja, wafäcö
bufi nia cublou mö lä feduo wei tä daö
yalo, a wä li cuo bädaoma malä cui. Wafä
täcö waö däjä, bufi dao
wäfäcö nia cublou.



Wajidiwä tä ma cui
ja, dodijidawä tä ma
cui ja, cama Yai Bada
tä bufi dao lä culenaja,
wafäcö bufi nia li cublou
mö feduo —cäcö olu cuma.



Einaja cäcö cuu ja, suwä anö defi fa
mönö, täcö dodijidawä dalalema. Defi
cäi liyäjäwä dalalema. A bufi nia lä
jaducublou wei tä cäi fa dalalönö,
imicö quequema. Täcö fa jucälänö
täcö walema. Bei
feyalobö e cäi
dobäa fa
showadalönö',
ö jönö täcö cäi
waa mö
fedulema.



Cäcöbö bufi möblou fa showadalonö,
cäcöbö nö çai shinoco öjübömoa
showadalayoma. Öjö däjä, cäcöbö fa
quililalunö, cäcöbö colocu jöyaobä,
ico jenabä diyäblabölema.





Öjö ma

cui, Jeobaa a lä bufiblamou wei a

lä cui, wəlo nija a comöma. —¿Wedi jamö bei wa li
cua cule? —a cuma. —Ficali ca jamö wa lä juu wei,
bäfä ą fa jililänö, ya shinoco dablamou fa quilinö,
eja ya jöyaa lä cuboyoi —Adana bei a cudaliyoma.






—¿Wedinö wa wafa shinoco taö ja, bei wa li jöyaa cule? Ya täcö waö da wasöblei täcö ja, ¿wa iyaö dicoo mlaofawä? —Yai Bada e cudaliyoma.



—Suwä wa da jöbäbai a suwänö, wale fa dobälönö,
ya täcö waa dicolei culoi —a wälo cuma. Öjö däjä,
Jeobaa a lä bufiblamou wei a lä cuinö, suwä
a wälü nomöjöoma. —¿Wedinaja wa li cuaaö
dicoo cufe? —a cuma. Öjö däjä, suwä a
wä wawälayoma. —Olu cäcönö wale fa
mölamalönö, ya täcö waa dicolei
culoi —a suwä cuma.





Inaja a yanowamö cuaaö mlaobä,
Edena täca noshi umlaa fa nomöjölönö,
a sibomalema. Mashita a ja, a jaba lä
tablamolayono wei a mashita
showawä ja, a ficalimobä. Bei
suwäbö sho cäcöbö siboa
showamalema.



Yanowamö cäcöbö lä yashublalei
wei, yai waiteli täcöbö majecö lä cule,
täcöbö läa jäa showamaquema.
Edena täca lұlocu jamö, täcöbö
lämaquema, motoca a lä juimaö
wei tä mashi
jamö.





Balımbılamodima defı lä ublale yo
nowamabä, shocobi aca wacö lä
wao wei, aca yawedeablalobä
aca çai lämaquema.




Tä nö fa dedelönö, Adananö bei suwäbö e nija, ijilu a fa tacönö, Ewa a shibönabölayoma. A fa shibönabölönö, bei ijilubö Caino a tablalema. A fa tablalönö, a wə suwä fama. —Jeobaanö wale fa bayeliblalönö, iba ijiluyä wəlo ya tablalei lä cufe —a cuma.




A shibönaböa fa çolunö, Caino a nodi jamö, bei fääshä Abele e tablaö nomöjölâyoma. Cäcöbö fa yawälönö, Abelenö yalo oweja bei bä taboma. Caino bei a li ficalimoma.



Tä nö fa dedelönö, Jeobaa nija, Cainonö nii bä dodobou ja, a waloquema. Inaja bei fääshä e çai nia fa cuaanö, yalo ocalo a dodobobä a çai waloa mö feduquema. Yalo oweja jaba a lä cui a fa yailönö, a fa bacäcälalönö, a yajicö daböjowä dodoboyoluma.



Inaja a cuaaö ja, Abele nija, Jeobaa a bufi doblaloma. Yalo a lä dodobono wei a ma cui ja, a bufi çal doblaloma. Öjö ma cui, Caino nija a bufi doblalou mlai ja, a wailema. Nii bä lä dodobono wei bä ma cui, ebä çai wailema. Öjö cudeenö, Caino a jushudou fe fa balojolonö, a wäyäcu nö quilidaliyoma.



Öjö däjä, abinaja Caino a cuaama. Bä fääshä Abele a
fa nacaläfälönö, ulifi jamö cäcöbö alayoma. Öjamö
cäcöbö yami cuo däjä, bei fääshä a nabä quequema.
A nabä fa queicunö, a shälema.



Öjö a lä shäleno wei ja, Jeobaa a wə fama. Caino a wəlima. —¿Wedi jamö fääshäfä bei a li? —a cuma. —Cuwi. ¿Wedi jamö a cua mada culawä? ¿Camiyänö öjö ya nofi tabobä ya tawä? —Caino a jushuolibö çai cuobloma. A fa oniblamolunö, Jeobaa a daa showadaquefälöma.



Öjö däjä, Caino a blajaa showalayofälöma. Nodo tä ulifi jamö a culayoma. Edena ai tä mashi jamö, motoca a lä faö wei tä mashi jamö, a bälöaliyoma.



Adananö bei suwäbö nija, ijilu ai a taa fa çoönö, Ewa a shibönaböa çoayoma. Bei ijilubö e lä wawämaleno wei däjä, abinaja a suwä cuma. —Caino a ishau fa dicoonö, ya jaba lä bufiblano wei nija, ya wajäwä nö bleaama.



Öjö ma cui, Yai Bada tänö wale bufi lojodoblamaö çõ
lä cule. Ei ya bufibou majöobä, wale dobäa çõlema
yalo, Sede bei ya wafa nia jilabou —a cuma.



Sede a oshe fa cublalunö, bä föö e bälöo nö dedeaö
showaoma. Lasha 800 a faa çomalema. Bei ijilubö ai
ebä cublaliyoma, bä tää ebä çai. ¿Öjö tawä?
Adana a demi bälöo showao däjä, lasha 930
a fa famalönö, a bufi yaçumö mlaquema.



Jeobaa a mammo fa showaicunö, jödödöwä tä jamö, yanowamö täbä dobroimi daa fe balojolalema. Wajidiwä tä ja, showadi täbä bufi mö shino blucaoma. Bä nofi lä jushuaö wei tä fa dalalönö, Jeobaa a bufi wajäblaliyoma.



Abinaja a cuma. —Yanowamö ya bä lä
tablaleno wei, ya bä bita jamö lä
bälömabole, ya bä nia mladamaö.



Yanowamö täbä ma cui, yalo bä bluca lä juu
wei bä ma cui, wajaquemi bä wai lä joleaö
wei bä ma cui, bä lä yäö wei bä ma cui,
ya bä nia jödödöwä mladamaö. Ya bä
ma tablaleno wei ma cui, bä dobroimi
ja, ya bufi shomiblaliyoma
—a cuma.



Öjö ma cui, Noewä a nofi shino ojodabou fe yadioma. Noewänö cama ebä çai lä cuaano wei, ei tä ą li oni. Bei ijilubö 3 ebä cuoma, Semö, Camö, Jafede bä ąfa lä cuono wei.



Ai bā nofi bluca ma jushuano wei ma cui, Noewä a dodijaö ayaoma. Yai Bada nija a bufi cadidioma. Öjö sho cäcöbö nofi shino tamayoma.



'Yai Bada tänö yanowamö täbä
nofimaö fa dodijionö, bä ljilubö
moli ya e lä cui yale shömölema.
Wale ą bejedi lä bufii wejei bä
bluca lä cui, bä nomaö mlai ja
bä bəlimi cuobä.



Romanos 3:23 Yanowamö täbä jödödöwänö wəlidiwä tä taö malä cujei. Yai Bada tä doblao lä culenaja bä cuwä malä mlai.

Romanos 6:23 Wəlidiwä tä lä taö wejei tä nowa ja täbä malä nomaö wei. Öjö ma cui Bada tä Jesucristo lija bamacö bufi cua yalo, Yai Bada tänö no mlai ja bämalecö bayeliblaö, bəlimi bamacö cuobä.

Hebreos 9:27 Yanowamö täbä nia lä nomaö wei, moli bä nia shilo nomaö. Öjö dajā Yai Bada lija bä nia icuo, bä jimamobä.

Efesios 2:8,9 Wamacö nofi ojodabou yalo, Jesucristo wama a nofi fa mölabonö wamacö malä fucäləno wei. ¿Öjö tawä? Wama a nofi lä mölabou wei tä ma cui, Yai Bada tänö no mlai ja wamacö bayeliblaö mlao fa cunoja, wama a nofi nö çai mölabou bädaobö mlai.



Täbä lä dodijaö wei tänö täbä fucäamoimi yalo, cama bä dodijidawä jimöobä etä cuami.

Romanos 10:9,10 Bei wa caficönö Jesús wa wafa Bada wäaö ja, bei wa bufinö Yai Bada tänö a demi jocädamaö lä çolayono wei wa tä ʘ bejedi çai bufibou ja, wa fucäamou wä.

Bei täbä bufinö tä ʘ bejedi malä bufibou wejei, jai bä dodijidawä waiquiwä Yai Bada tänö bä nofi tabobä. Bei täbä caficönö bä ʘ nö çai wäo, bä fucäamobä.

Juan 3:16,17 'Yai Bada tänö yanowamö täbä nofimaö fa dodijionö, bä ljlubö moli ya e lä cui yale shömölema. Wale ʘ bejedi lä bufii wejei bä bluca lä cui, bä nomaö mlai ja bä bälimi cuobä.



Yai Bada tänö bita jamö bä Ijilubö wale lä shömöleno wei ya lä cui, yanowamö ya täbä nö bleaamabä wale shömano malä mlai. Ya täbä yai jucäabä wale shömölema.

1 Juan 5:11-13 Bälimi bamacö cuobä Yai Bada tänö bämalecö lä dobäleno wei tä afa yai wäyämou. Bä Ijilubö bäma a bejedi lä bufii wei tänö bamacö yai bälimi cuobä.

Bä Ijilubö e lä tabou wejei bä lä cui, bälimi bä li cua waiquia. Yai Bada bei Ijilubö e tabou lä mlajei bä lä cui, bä nia lä bälimio wei etä cuami.

Yai Bada bei Ijilubö wama a bejedi lä bufii wei wamacö bufi jaducublobä, ei ya tä a oni shömaö. Bälimi wamacö cua lä waiquile wama tä dabä.



Génesis 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

www.M1914.org www.bibleforchildren.org

